

10 Februarie 2016

In hierdie omgewing sal Senwes dus optree as:

Geagte Aandeelhouer

**BELANGRIKE KENNISGEWING: VERHANDELING
IN AANDELE VAN DIE SENWES GROEP**

Soos u bewus mag wees, sal ZAR X die gelisensieerde beurs wees vir aandeleverhandeling van Senwes en Senwesbel Beperk se aandele (gesamentlik hierna verwys as “die Maatskappy”) effektief vanaf 20 Februarie 2017.

Die Maatskappy het besluit om die OTC verhandelingsplatform te skuif na ’n gelisensieerde beursomgewing soos vereis deur die Wet op Finansiële Markte 2012 (“die Wet”).

Die doel van hierdie kennisgewing is om aandeelhouers in kennis te stel van die nuwe gelisensieerde platform, dat die Maatskappy se aandele daarop genoteer sal wees, sowel as om die prosedure en koste vir die gebruik van die platform te verduidelik.

Die volledige noteringskennisgewing sal binnekort beskikbaar wees op www.senwes.co.za.

ZAR X maak voorsiening vir lae risiko aandeleverhandeling in ’n gereguleerde omgewing. Senwes sal steeds as oordragsekretaris en hoofmakelaar op die beurs optree, wat ook deur STRATE en Computershare ondersteun word. Die hele proses is elektronies en word binne ’n gedematerialiseerde omgewing bedryf (*d.w.s sonder aandeelsertifikate*). Die Maatskappy dra die koste van die platform, terwyl aandeelhouers en potensiële beleggers markverwante fooie sal betaal wanneer die platform gebruik word.

- i) **Markdeelnemer (Hoofmakelaar)**, wat opdragte vir verhandeling van aandeelhouers en beleggers sal hanteer.
- ii) **Oordragsekretaris**, wat die aandeleregisters in stand hou; en
- ii) **die Aangestelde Adviseur**, wat sal verseker dat die noteringsvereistes nagekom word.

Voorafgoedkeuring

Aandele in die Maatskappy, was ten tye van die omskakeling van Sentraalwes Koöperasie met die destydse reëlinskema, outomaties gesedeer en verpand as sekuriteit vir krediet by Senwes (*indien enige*) van kliënte wat ook ’n aandeelhouers geword het.

In sodanige geval en indien aandele verkoop wil word, sal Senwes goedkeuring vir die verkoop moet verleen, asook instruksies voorsien rakende die opbrengs van die aandele. Die goedkeuringsproses sal ten minste 1 (een) besigheidsdag neem, maar kan langer duur gegewe individuele omstandighede.

Senwes aandele is vrylik verhandelbaar, terwyl Senwesbel aandele beperk verhandelbaar is en slegs tussen bestaande (*of nuwe*) aandeelhouers kan verhandel, wat boerdery as hoof besigheidsaktiwiteit bedryf, en wat as sodanig goedgekeur is om ’n aandeelhouer te word deur die Senwesbel Direksie. Hierdie goedkeuring berus by die Senwesbel direksie ingevolge die Akte van Oprigting van die Maatskappy.

Senwes sal alle versoeke vir die koop van Senwesbel aandele aan Senwesbel voorsien vir goedkeuring. Sodanige proses sal eweneens 1(een) besigheidsdag neem, maar kan ook langer duur gegewe individuele omstandighede.

Vereiste dokumentasie

Indien u aandele wil verhandel, moet die volgende dokumente, duidelik gemerk vir die aandag van die Maatskappysekretaris, voorsien word:

- a) 'n Voltooide en getekende Computershare mandaat, beskikbaar op (www.senwes.co.za of besoek u naaste Senwes (Hinterland) Tak of skakel met die Senwes Span);
- b) 'n Makelaarsaanstellingsvorm;
- c) FICA dokumentasie soos vereis in terme van die geldwassery wetgewing (indien u dit nie alreeds aan Senwes voorsien het nie). Geen aandeleverhandeling kan plaasvind daarsonder nie.
- d) Indien 'n verkoper van aandele in besit is van oorspronklike fisiese aandelesertifikate, moet sodanige sertifikate ook aan die Maatskappy teruggehandig word.

Dit is belangrik om daarop te let dat alvorens aandeleverhandeling kan plaasvind, bogemelde dokumente in punte a) en b) voorsien moet word.

Verhandelingsprosedure

Sou u aandele wil verhandel, moet u Senwes behoorlik van instruksies voorsien, hetsy mondelings of skriftelik in ooreenstemming met die mandaat. Instruksies kan telefonies voorsien word by telefoon nommer 018-464 7105. Oproepe word opgeneem en telefoniese instruksies het bindende regskrag.

Verhandeling sal plaasvind tussen 09h00 en 16h00 op weekdae. Verhandeling en afrekening van transaksies geskied op 'n T+0 basis. Dit wil sê die koopprijs vir die aandele asook die koste moet vooraf in die genomineerde ZAR X bankrekening inbetaal word alvorens instruksies vir enige verhandeling suksesvol uitgevoer kan word.

Die volgende moet voorsien word vir alle transaksies:

- Senwes lidnommer, aandeelhouersnommer (*indien van toepassing*) of die SDA rekeningnommer;
- Identiteitsnommer of registrasienommer (*in geval van regspersone*);
- Die klas aandele;
- Aantal aandele wat u wil koop of verkoop;
- Die periode wat die instruksie sal geld;
- Die prys waarteen u wil koop of verkoop.

Dit word aanbeveel dat potensiële beleggers behoorlike advies van 'n gemagtigde finansiële adviseur neem ten einde die prys van die aandele te bepaal. Senwes

personeel sal onder geen omstandighede advies gee rakende 'n belegging of aandele pryse nie.

Die instruksie sal dan geplaas word en is voltooi sodra die instruksie verhandel het op die mark.

Die datum waarop die transaksie gesluit word, word verwys na as die verhandelingsdatum (T).

Kontrak nota

Senwes sal 'n kontraknota genereer deur die ZAR X administratiewe sisteem en sal dit voorsien aan kopers en verkopers.

Bank besonderhede

Kopers van aandele moet vooraf die koopprijs in die ZAR X bankrekening deponeer voordat 'n transaksie gesluit kan word. Alle betalings moet by wyse van 'n direkte tjekdeposito of elektroniese betaling gedoen word. Geen Kontant sal in ontvangs geneem word nie.

Bankrekeningnaam: ZAR X Nominees

Bank:	Rand Merchant Bank
Tak:	RMB Corporate Banking Johannesburg
Takkode:	255005
Rekeningnommer:	62631998236
Verwysingnommer:	SDA Rekening / Aandeelhouer of klant nr.

Oordrag van aandele

Omdat alle aandele wat verhandel sertifikaatloos is, word die oordrag van aandele outomaties gedoen deur STRATE wat die bewaarder en afrekening diens hanteer. STRATE sal telkens bevestiging aan Computershare en Senwes voorsien.

Afrekening

Afrekening van die koopprijs sal direk in die verkoper se bankrekening geskied.

Indien die opbrengs van die aandele aangewend word vir uitstaande Senwes skuld, sal die koopprijs per instruksies oorbetal word aan Senwes.

Die transaksie koste bestaan uit makelaarsfooie, sekuriteite oordrag belasting van 0, 25% van die koopprijs en BTW.

Foioe

Beide die koper en die verkoper sal betaal:

Aard van Foioe	Koste gebaseer op waarde van transaksie	Betaal deur	Betaalbaar aan
Beleggersbeskermingsfoioe	0,0002% uitgesluit BTW	Aandeehouer	ZAR X
CSD foioe	0,05% uitgesluit BTW	Aandeehouer	STRATE
ZAR X verhandelingsfoioe	1,5% uitgesluit BTW vir koop of verkoop	Aandeehouer	ZAR X
CSDP Foioe	0,5% uitgesluit BTW	Aandeehouer	Computershare

ZAR X Webtuiste

Vir inligting oor die aandelepryse, sowel as aanbiedinge vir koop en verkoop besoek www.zarx.co.za of www.senwes.co.za.

Vertroulikheid

Alle verhandelingstransaksies asook dokumentasie sal uiters vertroulik hanteer word. Die oordrag en verhandelings funksies is geskei ten einde te verseker dat die nodige interne kontroles in plek is en dat die proses ten volle integriteit geniet.

Senwes span Kontakbesonderhede

Naam	Beskrywing	Telefoon nommer
Ansa Janse van Vuuren	Makelaar	(018) 464 7105
Claudi Smit	Oordragsekretaris	(018) 464 7121
Elmarie Joynt	Maatskappysekretaris en Hoof Regsadviseur	(018) 464 7104

In geval van enige navrae in hierdie verband, moet u nie huiwer om die Senwes span te kontak nie.

Die uwe



Elmarie Joynt
MAATSKAPPYSEKRETARIS